

# ADEMARUS

*In Ademarum*

## NOTITIA HISTORICA ET BIBLIOGRAPHICA.

(Peritz, *Monum. Germ. hist.* SS. IV, 106.)

**Ademarus ex nobili Aquitanice familia ortus est, A** quæ in proprio jure hæreditario secebat, Cabannense seu Campanense prædium incolens (1). Patrem habuit Raimundum, avum Fulcherium, qui ex Officia, nepti Turpionis episcopi Lemovicensis, tres filios genuit, Rotgerium, Adalbertum et quem dixi Raimundum, natu minorem (2). Illic Aldeardem sive Hildegardem (3) in matrimonium duxit, sororem viorum nobilium et potentum (4), Abbonis, Raimundi et Aimardi præpositi, quem profundissimi consilii hominem laudat Ademarus (5). Comitis titulo et officio patrem insignem fuisse (6), quod Ademarus minime dicit, vix putarim. Nam Jordano principi Cabannensi, post annum millesimum occiso. frater ejusdem nonnini successisse videtur (7). Ademari parentes in his rebus agendis nullas habuerunt partes, et privatam potius vitam in proprio rure quam publica officia et bellicas res egisse videntur. — Ademarus anno circiter 988 natus (8), puer monasterio S. Eparchii (9) Engolismensi traditus, ibi maximam vitæ partem exegit, Lemovicæ vero apud Sanctum Martialem, ubi patruus ejus Adalbertus decani et præpositi dignitate fungebatur (10), ab altero patruo Rotgerio educatus est (11), ibi procul dubio litteris, quibus excellebat (12), instructus, et amore et veneratione sancti Martialis imbutus. Juvenis 22 annorum in hoc loco constitutus, nocte quadam Crucifixi imaginem in cœlo pendentem con-

## NOTÆ.

(1) In proprio jure hereditario quod vocatur Campanense juxta castellum Potentiam, Ademarus De abb. Leinov. ap. Labbeum II, p. 272. Pro Campanense ap. Boug. X, p. 151, n. b., Cabanense scribitur, quod idem esse et ipse putarim. Nam Raininundum patrem Ademarus Hist. III, 45, Cabannensem appellat. Urbs est Chabannais, ad Viennam.

(2) Ex cuius (*Turpionis*) nepte, *Officia nomine*,  
qui sunt *Adalbertus decanus et Rogerius patre Ful-*  
*cherio... Terlius quoque Raimundus junior natu ger-*  
*manus existit amborum cuius ego Ademarus filius*

Turpio episc. Lemoov.

*eius neptis Fulche-  
Officia rius*

**Adalber-** Rotge- Ra-  
**tus de-** rius mu-  
**canus.** cantor. dus

Ademarus.

*B* *sui matre Hildegarde ; De abb. Lem. I. 1. Raimundus, Hist. III, 45, abnepos pro pronepos dicitur.*

(3) Hist. III, 45. De abb. Lem. l. l. Idem nomen est; cf. quæ monui III, 45.

(4) *Strenuissimos duces, corpore robustos, animo bellicosos*, Hist. III., 45. Duces vero qui copias maiores habebant exercitumque ducebant appellasse videtur.

(5) Hist. l. l. De abb. Lem. l. l. Ademari stemma  
hoc est:

Il ne est :

	N.
Aldear- dis.	Abbo.
	Rai- mun- dus.

**C** *basilica sancti Martialis, De abb. Lem. l. I. Adalberti decani incliti et prepositi ex monasterio sancti Martialis. Hist. iii. 45.*

(11) Ademarus qui tunc cum avunculo suo inclito Rotgerio Lemovicas degebat in monasterio suari

spexisse sibi visus est. *Ipse autem qui hæc vidit. at-tonitus nichil aliud potuit agere quam lacrimas ab oculis profundere.* — *Et quod vidit semper in corde celavit* (13). — Inde Engolismam reversus, presbyter est promotus (14), iuque in libris describens (15) et componendis desudavit.

Brevem abbatum Lemovicensium Historiam usque ad a. 1025 perduxit (16), in qua præcipuas harum regionum res ecclesiasticas memoravit. Paulo post majus opus aggressus est. Historiam enim a Francorum origine ad sua usque tempora tribus libris conscripsit, iisque potissimum res Aquitanicas exposuit. In primo quidem libro Gesta Francorum sequitur, codice usus qualem in bibliotheca Parisiensi Suppl. Lat. n. 125 (olim baronis de Crassier) vidi, in quo Gestorum textum Fredegarii continuatio excipit, ipsique Annales Laurissenses majores adduntur. Hos fontes ad verbum fere exscripsit Ademarus, qui etiam librum secundum, quo Caroli magni res exposuit, primaque tertii capita ex Annalibus Laurissensibus hausit; quedam tamen de rebus Engolismensibus inseruit aliaque pauca memoriae tradidit, quæ unde sumpserit compertum non habemus, veluti quæ de cantoribus a Carolo Magno Roma in

A Franciam ductis (17) et de doctorum ordine (18) leguntur. Leges Ludovici Pii, de quibus loquitur (19), ipse vidisse videtur. Etiam Gesta Pippini regis afferit (20), sed fortasse annalium partem hoc nomine indicavit. Historiam de sancti Joannis capite conscriptam fabulosam rejecit (21). Sanctorum episcoporum Dionysii, Saturnini, Petragorii aliorumque acta vidit (22), sed in Historia sua nusquam iis usus est; neque Hieronymi et Bedæ Chronica, quæ habuit (23), ad rem suam faciebant. Postea uberioribus fontibus substitutus, minores adhibuit annales, quos procul dubio in cenobio suo ad manus habuit, Aquitanicos dico, fortasse etiam Engolismenses breviores. Multa tamen his sequentibusque annis adjectit, quæ a parentibus et senioribus monachis accepte videtur. Ideo in rebus Aquitanicis semper fero fidem meretur, et quæ suo tempore acta sunt bene habuit comperta, nonnisi levioribus commissis erroribus. Summa diligentia res in cenobiis S. Eparchii et S. Martialis gestas exposuit, eorum diplomata quoque consuluit; præterea quæ duces Pictavenses, comites Engolismenses, Petragoricense, Lemovicense (24) domi militique egerunt, accurate, ordinate et fuse narravit. Francorum, Gernia-

## NOTÆ.

(13) Hist. iii, 46.

(14) Ademarus Engolismensis presbyterorum ultimus, ep. p. 717.

(15) Codicem Gestorum Rom. Pontiff., quem descripsit aut describi curavit, ad Rohonem episcopum Engolismensem direxit, versibus additis, quos ed. Mabil. Anal. (ed. 2) p. 432. Cf. que ibidem de codice Amalarii monentur; librum consultationum Zachæi Christiani et Apollonii ipsius Ademari manu aut jussu scriptum habuit Dacherius; Spicil. XIII, II, p. 185.

(16) Ed. Labb. II, p. 271-273.

Bernardus (comes Pictav.?)		N.
	† 844	
Bernardus com. Ar-vern.	Ramnulfus dux Aquit. † 867.	Turpæ Emeno com. co. Eng. Eng. † 866.
† 886.	Ramnulfus Eblius Gozber-tus com. Pic. abb. S. tav. dux Germ. mes.	Ademarus com. Pictav. † 930.
Willelmus com. Arv. dux Aquit. † 919.	Aquit. † 892.	ux. Santia.
	Eblus com. Pict. dux Aquit. † 938. ux. Adela	
Willelmus Caput-Stupa com. Pict. dux Aquit. † 963.	Eblus episc. Lem.	
Willelmus com. Pict. dux Aquit. † 995. ux. Emma.		
Willelmus com. Pict. dux Aquit. † 1030. ux. Adelinode. Brisca.		
	N.	
Vulgrinus com. Eng. † 885.	Aldoinus (Hilduin) abbas S. Dionysii	
Alduinus com. Eng. † 916.	Willelmus ccm. Petrag.	
	Petradus. Sancta Emma. Rose. metropolis.	

norum aliarumque gentium historiam brevius perstringit, non semper certum temporis ordinem secutus, nusquam tamen valde a vero remotus. Etiam res Hispanicas (25), Constantinopolitanas (26), Hierosolymitanas (27) respexit, quas a peregrinis qui inde redierant eum accepisse verisimile est. Mauros Narbonæ captos et Lemovicam transmissos vidi, qui, quanquam more *catalorum loquentes glatire videbantur*, retulerunt tamen quomodo victi captiique essent (28). Eodem modo plura procul dubio aut ipse vidi aut ab iis accepit qui rebus interfuerant (29). — Haec vero probabili stylo conscripsit, et quamvis sermoni culto et ornato minime studuisse videatur, lingua tameu *Lagina* satis bene usus est (30), et in rebus disponendis quadam arte laboravit. Neque enim, iis potissimum temporibus, quibus alienis destitutus erat fontibus, annalium morem sequitur, sed plerumque res similitudine suadam connexas narratione quoque coniungere

A studet. Ideo vero, quod valde dolendum, nusquam certos rerum annos notavit; id quod etiam in abbatum Lemovicenium catalogo neglexit. — Historiam usque ad a. 1028 medium (31) perduxit atque codem anno finisse videtur (32). Nam Augusto mense ejusdem anni (33) concilio interfuit Lemovicæ habito, ubi quam plurimos Aquitanicæ præsules, abbates et clericos (34), præterea parentes et propinquos suos invenit (35), et in ecclesiæ dedicatione (36) publice prædicavit (37). Inde reversus, epistolam ad omnes qui concilio interfuerant direxit, eamque etiam Arualdo Rothensi episcopo, Theoderico grammatico Metensi episcopo, Conegundi Romanoruim Augustæ, Cononi Cæsari Augusto imperatori, Willelmo grammatico orthodoxo et potentissimo Aquitanorum duci, Johanni Romano papæ inscripsit (38), qua sanctum Martialem verum fuisse apostolum ostendere conatus est, et disputationem quam de hac re cum Langobardo quodam Benodicto Clusensi (39) habuerat

## NOTÆ.

Arnaldus  
com. Engol.  
† c. 1000.

Willemus  
com. Engol.  
† 1028.  
ux. Girberga  
Alduinus. Gosfridus.

Arnaldus  
(Borracio)  
Talerandus Boniparius.  
† 962.  
comitatum Engol. tenuerunt (III, 28).

Bernardus

- (25) iii, 38, 55, 10.  
(26) iii, 22, 32.  
(27) iii, 47.  
(28) iii, 52.

(29) Cf. epist. p. 721: *Episcopus etiam Lemovicensis Geraldus ante hos 15 annos a Roma regressus attestatus est nobis, fortuito legisse se ibi volumen;* ibid. p. 727: *Cui Gauzbertus: In itinere, inquit, Romæ vidi jam olim quemdam præcipuum comitem Almannum, cuius linguam intelligere non poteram, nisi in psalmis et letanias et lectionibus, cuius capellani ante eum quotidie circa horam tertiam letanias sanctorum dicebant....* — *Tum Salgionius: Et ego, quando euntes in Hierocolymam intravimus mare, vidi quemdam Johannem monachum fortissimum grammaticum ex civitate Remis, qui in navi, etc. In Historia vero conc. Lemov., a. 1031 habiti, clericus Engolismensis narrat (Concil. ed. Labb. IX, p. 878): Ante hos plures annos quidam ex fratribus de monte Sinai in hanc partem advenerunt occiduum, Dei disponebat nutu, moribus graves, doctrina catholicæ fidei profuentes, rita per omnia honesti, utriusque linguæ periti. Qui eum dia nobiscum Engolismæ fuissent expectantes principem civitatis, et litteris Græcis et Latinis eos ridebamus ad unquam imbutos, super hac re interrogare curavimus eos.... Qui alter Simeon, alter nomine Cosmas. — Quos etiam Ademarum vidisse et de multis rebus interrogasse verisimile est.*

(30) Cf. epist. p. 719: *Ego Latialiter loquens, Latialiter ipsum compellebam loqui, et barbare quasdam dictiones proferentem dissimilans, patienter celabam circumstantibus; cf. p. 726: Audieram enim eum Lemovicas, ut supradixi, barbarismis male corrumpere Latinitatem.*

(31) Non 1029, ut Rivet, Hist. litt. VII, p. 301, dicit.

**C**est 1028 *ao incarnatione Domini nostri Iesu Christi per inductionem ii*, epist. p. 720.

(34) Ep. p. 717.

(35) Ibid. p. 720: *Spreto colloquio nobilium karissimorum parentum meorum, qui ad festivitatem de longinquó reverant, et pro mea utilitate ibi me expeditabant.*

(36) 3 Aug. Cl. Ann. Lemov. a. 1028. Hist. conc. Lemov. Concil. ed. Labb. IX, p. 888.

(37) Fragmentum sermonis ibidem habiti, Ademaro a Baluzio vindicati, edidit Mabill. Acta SS. VI. 1. p. 31. Fortasse idem exstat in cod. Par. 3785. *Dicta venerabilis Ademari in natali S. Martialis. Cat. bibl. Par. III, p. 466.*

(38) Ep. p. 717. Plurimos quos nominat episcopos Ipse cognovisse videtur. Nam ibidem dicit: *Nolo vos mirari, eos, cum quibus nunquam locutus sum adhuc de sancto Martiale — tres tantum dico, papam videlicet ac Cæsarem atque Aquitanum ducem — inter nomina vestra me intermixuisse.*

D (39) Quæ hic de se ipso dicit (epist. p. 726) huc referre juvat: *Ego, inquit, sum nepos abbatis de Clusa; ipse duxit me per multa loca in Longobardia et Francia proper grammaticam; ipsi jam constat sapientia mea duo millia solidis, quos dedit magistris meis. Novem annis jam steti ad grammaticam et adhuc sum scholasticus. Sumus novem scholastici, qui simul discimus grammaticam, et sum ego valde perfectus sapiens. Habeo duns magnis domos plenas libris, et adhuc non omnes eos legi, sed quotidie meditor in illis. Nullus liber est in tota terra, quem ego non habeam. Postquam exiero de schola, non erit subitis cælum tam sapiens ut ego. Ego ero abbas de Clusa post mortem avunculi mei, jamque sum electus ab omnibus, et nisi tales conversi mali monachi frui-*

narravit. Ilujus rei in Historia nulla sit mentio; quod vix omisisset, nisi jam antea operi finem delisset. Epistola vero illa Ademarum ostendit disertum, eloquentem (40), constantem (41) et serventem (42) assertoris suae defensorem, quam ab ipso confictam esse adversarius contenderat (43). Sermone ubere, eleganti, rationibus non contemnendis opinionem suam, quamvis nimis a vero alienam, stabilire conatur. Huius quæstioni examinandæ anno 1051 duplex convocatum est concilium, alterum Burdegalense, alterum Lemovicense. Quibus cum Ademarum intersuisse non legamus, ipsum jam antea mortuum fuisse Rivet (44) suspicatus est. Quod et ipse statuerim, nisi fortasse ipsa concilii Lemovicensis historia (45), in qua eamdem fere dicendi rationem, eamdem doctrinam, eamdem quoque S. Martialis venerationem quam in epistola illa deprehendere mihi videor, Ademaro tribui possit (46). Certe de Adema i morte nihil constat; quam his circiter annis accidisse verisimile est, cum nihil postea de illo referatur.

Qui sequentibus temporibus in rebus Aquitanicis describendis occupati erant, ut auctor Gestorum

episcoporum Engolismensium (47), Ademari historiam plerumque secuti sunt. Liber in multorum manus venit. Ex ipso etiam que in codice Vatic. bibl. Christ. n. 692 s. xii exstat historia Francorum excerpta est (48), ex qua postea Chronicæ S. Maxentii sive Malleacensis (49) auctor quam plurima hau- sit. Fragmenta alii descripserunt, alii operi præstantissimo assuerunt que ibi deesse videbantur. Exstat in bibliotheca regia Parisiensi codex infra memorandus, qui Ademari historiam partim quam plurimis additamentis auctam, partim valde mutata contineat. Sed tantum non omnia que adduntur sunt falsissima (50); interpolator multa ex ingenio finxit, Ademari verba non semel male interpretatus est, ordinem chronologicum perturbavit (51), plura addidit, que poeticam quamdam rerum narrationem redolent et ex carminibus manasse videntur (52). Cum plerique hæc omnia Ademaro obtrusissent, factum est ut hominem credulum et fabulosum eum putarent, historiamque ejus nimis erroribus perturbatam dolerent. Hæc vero jam in interpolatore cadunt, qui fortasse centum annis aut amplius post Ademarum hæc consarcinavit. Ex Vita Ludovici

#### NOTÆ.

*tania nulla sapientia est, omnes sunt rustici; et si aliquis de Aquitanis parum didicerit grammaticam, mox putat se esse Virgilum. In Francia est sapientia, sed parum. Nam in Longobardia, ubi ego plus didici, est fons sapientiae. Aliter de ipso sensit Ademarus; cf. supra n. 30.*

(40) *Nam in hac terra non reputatur sapiens, nisi multum fuerit eloquens*, ep. p. 727.

(41) *Nam ego pro veritate usque ad mortem libenter decertare festino*, ep. p. 717; cf. ibid. p. 725 sqq., p. 727: tamen obedire oportet Deo magis quam papa Romano.

(42) Iterum adhuc pronuntio ante conspectum Dei et omnium in cœlo habitantium, si gloriae Dei vel ipsi Martialis, vel alicui sanctorum qui jam ex hac vita transierunt, molestum aliquo modo est eum prædicari apostolum, hac ipsa hora, que est quasi sexta diei, hoc ipse articulo temporis quo hoc scribo, hoc momento, hoc aethomo moriar corpore et ultra non viram. Due missæ, quas hodie mane sexta sabbati continuas in honore virificæ crucis, unam sponte, alteram obediens necessario jubenti et roganti abbati Amalredo, super corpus beati Eparchii celebravi: si, inquam, hoc Deo displiceret, non sint mihi in adjutorium, sed statim, sicut solus intra ecclesiam scribo, hac ipsa hora animam reddam, ibid. p. 726.

(43) Ibid. p. 718: *Hanc heresim primus, et plus causa adulatio[n]is, ut placaret abbat[i] et monachis, corruptus quoque pecunia ab illis, sine ulla veterum auctoritate condiderat.*

(44) Hist. litt. VII, p. 302. Idem, Ademarum Hierosolymani prosectorum esse sibi persuasit, cum in codice Vossiano, olim S. Martialis Lemovicensis, hæc legantur (Cat. bibl. Lugd. Bat. 1716. fol. p. 386; cf. Arch. VII, 137.): *Hic est liber sanctissimi domini nostri Marcialis Lem. ex libris bona memoriae Ade-*

*marus historiographus non Lenovicensis sed Engolismensis fuit monachus.*

(45) Ed. Labbeus Bibl. mss. II, p. 766. Concil. IX, p. 869.

(46) Rivet Hist. litt. VII, p. 517, Odolricum abbatem S. Martialis auctorem putavit. — In cod. Par. n. 2469 Ademari sermones de S. Martiale et hæc concilia historia conjuncta existant; cf. Cat. bibl. Par. III, p. 285. Sermones a. 994, quos edidit Baluze, Hist. Tutel. p. 385, non Ademari esse, recte monet Rivet, Hist. litt. p. 505; cf. eundem p. 306 sqq. de aliis que eruditii Ademaro tribuerunt operibus.

(47) Apud Labbeum, Bibl. mss. II, p. 249. Etiam qui miracula S. Genulii conscripsit, Ademari opere usus est; cf. Mab. Acta IV, ii presertim n. 14, p. 230.

(48) Cf. Arch. VII, p. 437. Ex primo libro nihil, ex secundo et tertio initio paeca sumpsit, iii, 16-38 vero magnam partem ad verbum exscripsit.

(49) Apud Labbeum II, p. 190.

(50) Ita, ut pauca tantum afferam, iii, 19, dicit Lotharium quatuor post a. 855 annis monasterium intrasse, cum Ademarus recte post paucos dies conscripsisset; iii, 20, de Odone rege Francorum fabulas intolerabiles singit; c. 22, Ademari verbis parum intellectis, Arduinum Italæ regem ante Ottonen I obiisse narrat; que ibidem de Rotherto rege et Hugo comite resert, fabulam redolere jam alii adnotarunt; magis etiam a vero abhorrent que c. 51 de S. Adelberto et Brunone memoriae tradit; de Heriberto archiepiscopo ab Henrico II capto recte Ademarus c. 53 locutus est, quibus deletis interpolator alia eaque falsa substituit.

(51) Exempli gratia, c. 23 de Fredeberto episcopo, quem in s. x falso collocavit.

quam sumpsit (53), alia (54) ex Annalibus Aquitanicis, quos et ipse Ademarus habuerat; in aliis c. 15 Gestis episcoporum Engolismensium convenit (55). Quorum auctor cum alibi purum Ademari textum sequatur (56), non ipsum codice interpolato usum, sed potius ex Gestis quedam Ademaro assuta esse putarim, præsertim cum etiam aliis locis ejusmodi res a Gestorum scriptore narrationi ex Ademaro haustæ additæ sint (57). I.eo non ante sed post a. 1159, quo Gesta illa scripta esse constat, interpolatorem opus suum compilasse recte statuere mihi videor. Qui cum res in cœnobio S. Martialis Lemovicensi gestas, jam ab Ademaro satis accurate expositas, singulari studio prosequatur (58), ibidem vixisse putandus est, ideoque in his etiam majorem fidem meretur.

In hac Ademari editione id maxime consiliū egi, ut primo loco integrum et purum ipsius textum exhiberem, codice potissimum usus præstantissimo

1) regio Parisiensi n. 5927, mbr., fol., olim I. A. Thuani, qui saeculo xi medio cum magna diligentia et satis eleganter in membranis optimis non una manu exaratus, litteris quas dicunt initialibus pulchris et variis coloribus pictis ornatus, 165 foliis constat, quorum modo plura, modo pauciora conjuncta sunt. Ademari historia 131 explet. Hunc librum partim descripsi, partim cum editis accuratissime contuli, quippe qui purum contineat textum, paucissimas tantum easque leviores mendas habeat, et in Aquitania, fortasse Engolismæ aut Lemovicæ, scriptus, proxime ad autographum accedere videatur. Historiam ibi nullo titulo inscriptam, et singulos libros nullis rubris distinctos legimus; primo tamen capitum index præmissus est, secundi vero et tertii initium capitulo primo ascripto indicatur. Idem volumen continet f. 132 diploma Caroli regis de castro Fronciaco ecclesie Engolismensi confirmato, f. 133 conventionem Will. lmi et Hugonis ex ipso codice a Labbeo II, p. 155, editam, et f. 140 sqq. Eginhardi Vitam Caroli Magni mancam. Ex hoc codice descriptus est

1<sup>a</sup>) regius Parisiensis Suppl. Lat. n. 142, chart., s. xv, fol., qui eadem opera continet et iisdem Eginhardi verbis finit. Fortasse hic est quem in collegio Claromontano vidit Labbeus, qui certe huic similius fuit.

Interpolata historia exstat in codice

A 2) regio Parisiensi n. 5926, mbr., s. xc. xii exextis, fol. min., olim Ant. Faure, quem ex bibliotheca Hadr. Valesii recepit Labbeus. Volumen 17 et semis quaternionibus constat, qui in ultimo folio a-r signati sunt. In quaternione m tria desunt folia. Fol. 1-63 libros 2 priores Ademari continet, fol. 63-79 Eginhardi Vitam Karoli, fol. 79-114' Anonymi Vitam Ludovici Pii, fol. 114' sqq. Ademari Historiam inde a iii, 16 prosequitur. Ipsius verba etiam prioribus libris sèpissime mutavit, et modo ipsum, modo quos exscripsit fontes, Gesta Francorum et Annales Laurissenses, seculus est (59), ita ut Labbeus, cum etiam integras Caroli et Ludovici Vitas insertas vidisset, nonnisi extremam partem Ademaro ascribendam esse putaret. Textus, magna negligentia B descriptus, mendis fœdissimis scatet, quæ scriptorem rudem, neque in veteribus libris legendis neque in scribendo exercitatum arguunt. Litterarum forma, qualem in libris manuscriptis Lemovicensibns saepius vidi, hujus urbis monachum indicare videtur, ubi etiam ipsum interpolatorem deguisse supra monui. Etiam in hoc codice, quem ex 1 derivatum quamvis non exscriptum esse non dubito (60), historia titulo caret.

3) Plurimi qui exstant Ademari codices ex codem exemplari sine destituto fluxerunt, quippe qui iii, 24, verbis : vicaria Piliacense (et alias quam plurimas ecclesiæ) historiam finiant. Textum nullis interpolationibus maculatum habent. Ipse tres vi-di (61).

C 3<sup>a</sup>) Montispessulanum n. 94, mbr., s. xii, fol., olim collegii Trecensis, qui neque titulos habet neque tertium librum distinguit.

3<sup>b</sup>) Montispessulanum n. 277, mbr., fol., s. xii-xiii, 8<sup>vo</sup>, qui operi titulum *Hystoria Francorum* inscribit, et singulis libris capitum indicem premitt.

3<sup>c</sup>) Montispessulanum n. 27, mbr., s. xiv, fol., qui cum 3<sup>b</sup> plerumque convenit, in capitum tamen tertii libri ordine ab ipso differt, 18 pro 22 exhibens.

Alii ejusmodi codices inveniuntur

3<sup>d</sup>) Romæ in bibl. Vat. n. 1795, mbr., fol. s. xiii. (Arch. V, p. 116).

D 3<sup>e</sup>) Romæ in bibl. Christ. n. 905, mbr., fol. (Arch. III, p. 422, 423, coll. v, p. 117), qui eundem capitum ordinem quem 5<sup>b</sup> habere videtur.

3<sup>f</sup>) Bernæ n. 208, mbr., s. xiii (Arch. V, p. 488).

#### NOTÆ.

(53) iii, 16.

(54) iii, 18, 19. Sed hæc satis infeliciter cum Ademari narratione conjunxit.

(55) Cf. iii, 16, de moneta Engolism. cum Gest. c. 15, iii, 24, de reliquis Hierosolyma reportatis; et 28 cum Gest. c. 49, iii, 60; et 66 cum Gest. c. 25.

(56) Cf. Gest. c. 11 cum Ademar ... 20

(57) Cf. c. 9, 10, et præsertim c. 25, 26, ubi de Willemo Engolismensi comite multa nova leguntur, quorum pars tantum in interpolato Ademari textu occurrit, quæ vero ab uno codemque procul dubio scripta sunt.

(58) iii, 19 [20] 22, 25, 35, 43, 49, 57. 57.

(59) Cf. quæ Archiv.

4) Paris. n. 6190 (C2). Glabri Rodulphi codici quatuor folia sœc. xi-xii assuta sunt, quæ varia ex Ademaro excerpta continent, postea ex eodem fonte aucta. Quæ, nullo ordine scripta, modo ipsius verba retinent, modo mutato stylo valde diversam narrandi rationem ostendunt, et, quamvis ex codice non interpolata descripta, in quibusdam tamen cum 2 convenient (63), ita ut fortasse inter ipsius sint referenda fontes.

Ademari liber integer nunquam prodiit. Secundum librum Pithœus SS. XII coætanei ed. Par. 2, p. 6, Francf. p. 230) primus ex cod. 4 edidit, Ademari nomine suppresso; indeque transiit in Duchesnii SS. (II, p. 68) et SS. Kulpisianos (3, p. 46). Item Pithœus Ademari excerpta s. t. « Aquitanice historiæ fragmentum » ex codice 4 publici juris fecit (SS. XII coæt. ed. Par. 2, p. 416, ed. Francf. p. 517, et SS. XII coætanei p. 79), quæ Duchesnii, ex ipsius Ademari ut videtur codice aucta, repetitive-runt (SS. II, p. 632; IV, p. 80). Breve Ademari fragmentum A. Duchesnius etiam Hist. Norm. SS. collectioni (p. 19) inscrut. Majores locos eosque ex optimo codice, fortasse eodem quem 4. nominavi, descriptos (64), Beslius in probationibus historiæ comitum Pictavensium (65) exhibuit. Historiam ex Ademaro aliisque compilatam Petrus a S. Romualdo luci dedit (66). Labbeus paulo post editionem absolutam aggressus est, tribus codicibus supra indicatis (1, 1<sup>a</sup>, 2.) usus; sed singulari errore librum interpolatum secutus, integrum Ademari Historiam ne-

A glexit, singulis quibusdam locis tantum eis locis Thuanei verba referens. Ex primo libro nonnisi excerpta quedam dedit, secundum tanquam iam ante editum prætermisit, tertii quoque initio plurima ex Ann. Laurissensibus hausta suppressit. Ex Labbei et Duchesnii editionibus major Ademari Historie pars in Bouqueti collectionem recepta est (II, p. 514; V, p. 184; VI, p. 223; VII, p. 225; VIII, p. 232; X, p. 144-164) notisque illustrata.

Etiam in hac quam institui nova editione non integrum opus luci dandum erat, sed hæc tantum exhibui quæ Ademarus fontibus illis majoribus adjectis aut proprio Marte conscripsit. In quem finem codicem 4 perlegi omniaque memoria digna ex primis libris exscripsi. In sequentibus eumdem codicem accurate exprimendum curavi, et quæ corrixi in notis semper retuli (67). In codice scipius a pro e scribitur, quod ex verborum pronuntiatione in Aquitanice regionibus usitata ortum esse videtur: e. gr., *Nannetansium, Rotomansi, biannium, emanatio, commandatum, opulantissimam, amplectabatur, assumans, revertans, decoram, Engolismensem* (68). Hæc an Ademaro tribucrem hæsitavi, recipere tamen nolui. Quæ in 2 adduntur, aut mutata leguntur, infra addidi, neque tamen omnes easque sœpe falsissimas lectiones enotavi. In margine certum ordinem chronologicum stabilire, in notis errores corrigeret et res Aquitanicas aliasque memoria dignas quam brevissime explicare conatus sum.

G. WALTZ,

#### NOTE.

(62) Codex olim E. Vineti postea Thuani suisse videtur; cf. Besly Hist. comitum Pictav., p. 199.

(63) III, 28, 34.

(64) v. p. 199.

(65) *Histoire des comtes de Poictou et des ducs de Guyenne par J. Besly.* Paris, 1647, fol., passim.

(66) *Historia Francorum seu Chronicus Ademari Engolismensis epitome — cum notis nonnullisque interpolatis quibusdam etiam additis a domino Petro a*

*S. Romualdo Fuliensi. Parisiis apud L. Chamhoudry 1652, 12. Simile opus extat in cod. Par. n. 6182, chart., s. xvii : De origine Francorum ex chronico Ademari Engolismensis monachi sancti Martialis.*

(67) Hoc uno excepto, quod in genitivo semper a scribendum esse duxi, cum codex sibi ipsi non consensit modo et modo e (potissimum in urbium nominibus *Engolismus, Lemovice, etc.*) exhibeat.

(68) Hæc interdum jam in codice correcta sunt: *classa corr. classe, Salasensem corr. Salasensem.*

## LIBER PRIMUS.

¶. Principium regni Francorum, etc., ut *Gesta Francorum*.

11. (*Gest. Francorum c. 42*) hæc adduntur: *Eo tempore sanctus Eparchius natus est patre comite Petrogoricæ nomine Felice, qui postea plenus sanctitate patronus Egolismæ civitatis factus est.*

16<sup>a</sup>. (*An. 508. Gest. c. 17*) add.: *In ipsa civitate(1) consecrare fecit in episcopatu venerabilem virum Aptonium capellatum suum, expulso primo episcopo Arriano Gothorum de eadem civitate.*

24. (*An. 581. G. c. 25*) add.: *Per idem tempus sanctus Eparchius præsul<sup>2</sup> Sanctionis et pater Egolismensis migravit ad Christum die primo Julii.*

29. (*G. c. 30*) add.: *Eo tempore sanctus Gregorius archiepiscopus Turonensis magnis virtutibus fulgebat. Per idem tempus sanctus Germanus Parisiorum episcopus, missus a rege Chariberto Egolismam civitatem, consecravit basilicam sancti Eparchii, ubi ipse nuper sepultus fuerat; adiutum cum eo venerabilis Gregorius episcopus Turonensis, et in*

#### VARIÆ LECTIONES.

1. c. 16. *Gestorum (c. 15.) verba ita leguntur: Deinceps omnes ecclesias Dei cum auctoritate apostolice (sic)*